

曼
叻
亭
後
集

履齋亭後集卷五

壽陽祁騫藻叔穎

古今體詩五十首

丙辰

淖東九老圖爲沈舜卿侍御題並寄令弟質齋大令
春湖太守

憶昔讀書芸館中七人凋落餘兩翁君年最長我差少
者今已成龍鍾而君早退老益壯七十過五顏猶童同乳

有弟亦同志

質齋

解龜幾載相追從胡爲挈家又遠適太行

跋涉關山重季子官閣冷如水

春湖

先生杖履來春風荆樹

作花秋更濃傍人但羨連枝紅豈知漂泊干戈際展轉流
離見兄弟故國天寒歸雁遲長淮日落浮雲蔽當時畫圖

傳九老麈句飛觴共懷抱熊

介一本

楊宜之

一

徐啟山

許

前軫

半知交書來使我心傾倒泚水無情送客流潛郎真欲問

潛邱卻憐退叟春明夢難並髯翁笠屐游蒼松一片照顏

色金石千秋想胸臆過眼煙雲自古今對牀風雨無南北

拔劍何人歌莫哀

王曉林中丞跋尾亦感歎芸館舊事

孔賓今亦歸去來摩

空賸有凌雲筆起草猶存御史臺君家省郎能繼美就養

宣南予所跋況有臞樵精畫理

明沈遇世擅寫照

榻來置我巖壑

間更擬寫君團扇裏

畫院沈鳳墀振麟頃爲予寫寒夜讀書小照

久早晚坐汲水灑地慨然有會

顛風妬雲雷衝雨不得墜陰晴寒熱間眼見麥秋至衰劣

但閒臥江湖正多事尙幸年屢豐流離活秉穗今夏氣候

殊肺渴心病悸園丁知我病汲水晚灑地可憐雙木罌綆
短汲不易籬花蹙含笑盆魚且噓吹沾溉能幾何量力隨
所致安得銀河傾盡洗焚輪熾浯溪一漫郎惻怛示官吏
陽城考下下勞心爲撫字雖乏千里潤涸鮒已被賜濟物
無厚薄感彼抱甕志

喜雨

四月二十七日

乾風早晚凜如秋坐歎行吟不自由長日難教書引睡枯
腸那得酒銷愁忽聞急溜鳴檐瓦陡覺空堂穢岸舟病臂
掀簾輕欲旋去聲墨雲北望是龍湫

顏魯公與郭僕射論坐位書搦本題後

長安舊本已非真元氣淋漓尙入神未必黃金賢氏注坡

翁元是曉書人

此書長安安師文初刻

蘭亭筆妙世間存三稿

祭姪告伯皆乾元元年論坐書廣德二年作也

居然屋漏

痕自古書家出忠孝尋常乖合不須論

黃岡雷少泉孝廉

春沼

以吳制軍金太守徇節紀事

詩見示感和二首

制軍諱文鎔字甄甫謚文節太守諱雲門號菊仙安徽人

吳公督兩楚當賊再擾後移節自瀕池直指漢南柳維時

武昌城還定猶未久慘澹斬黃間已爲狐兔藪衆論頗猶

豫勢且委而走公獨按劍叱決計謂可守密與南軍約

坐侍郎督水陸軍自湖南來

謀定毋敢苟豈知小人腹猜度成擊培以

馭爲公責以守爲公咎死志公早決義不忍汗垢慨然誓

師出兵力未云厚堵城初遇賊前軍幾獲醜舟師距上游

觀望乃虛負坐令長城壞大星實如斗貽誤者何人中丞
吁禍首向使從公計和衷無掣肘北軍扼賊吭南軍併力
取何至城再陷玉石紛踐蹂方公騎箕尾譏舌仍張口皇
天鑒孤忠彼譖今何有平生知交寡公爲予畏友予弟出
公門幸不辱所受郢中有哀歌感涕到衰朽側身望大江
蕭颯風生牖

金侯楚循吏素能治繁劇崇陽古沙羨亂後逋賦迫漢東
隨爲大民困亦未釋憲府聞其名廉惠盟夙昔每於艱危
地量移藉碩畫侯亦勇任事奔馳不煖席予弟守武昌一
見心則懌歎息寄予書云是楚之壁禦炭庇嘉穀小用殊
可惜前年來京師詢以制賊策首在斷火藥嚴偵奸宄迹

其言實扼要已足褫賊魄哀哉志未伸終於二千石一門
徇忠烈千載名烜赫匪孤有程嬰陰德遺清白古鬻鬻寒
泉疾風摧勁翮羊質而虎皮碌碌何足責

朱伯韓

琦

觀察以來鶴山房詩鈔見示卽和其論詩

絕句五首

一自唐音別盛衰苦將格律較高卑請看

聖代饒歌曲遠軼周京大武詩

頗怪微之識瓊玖連城論價孰精麤詩家亦有千秋鑑史
筆分明若合符

樂府篇篇歐肺肝白詩誰道不如韓亦知大戶嫌甜酒縮
頰菖菹可是難

猛士詩人感所遭苦心不爲寫牢騷一編讀盡重開看眼
澀燈殘未覺勞

詠古論詩氣暗投鯨吐鼉擲力能收高名誰合黃金鑄嶺
嶠還期第一流

午日假寐

三年求艾願徒虛午日剛銷一睡餘堪笑老來無箇事夢
中曾否見金書

元遺山紀
夢句意

觀象戲

枯棊三百圍當中象戲卅二利用攻十則圍之法近古卽
墨不下非技窮偏師直入行詭道韓拔趙幟如追風古惟
車馬後且礮以火易石更殘暴人發殺機天地愁不知此

祕誰爲盜可憐天塹分江河兵卒一去無迴戈將軍嬰城
左右走礮兮車馬當柰何

送陳勿齋表弟

士枚

還平定

時令子蓋章已成
進士觀政兵部

捧日堂前燕與君始相見當時兩兒郎衣著慈母線

平灘
王氏

吾兩家母黨也舊
有捧日堂額書

東華門外塵爲君洗車輪君看長安花

酌我洞庭春

丙戌春君通籍與余同寓
余時湖南學使任滿初還

憐君飽憂患我亦

傷薄宦同抱寸草心每憶總角艸青雲各致身天涯猶比

鄰少壯曾幾時時事日以新蕭蕭燕臺客鬢髮無可白非

君有驥子何以復來宅今日澗底松昔日桃李容兩世與

君處不知孰賓主君老我亦休當從禽向游誰能戎馬際

更爲孺子牛孺子今已長雙竹並堪杖竹生雖不齊直節

無高低

兒子世長以廕爲郎今年春試不第

爲郎亦自好高位速人老老馬

悲峻阪筋力暗枯槁君醉我且歌我歌離思多平灘灘上

柳攀折今如何

盆魚

盆魚影空綠儻忽恣泳游持藻縈拂之左右得所求涼棚
翳亭午舒卷風生秋雖殊池沼樂且遠網罟憂穉子強解
事敲鉢作釣鉤引之階石間濡沫誰見收嗟彼微弱質託
身清淺流蒼蠅不敢集烏鳶睨且休一朝失所恃餌致難
自由世豈無江湖安知坳堂舟

哀歌五章

并序

軍興以來死緩之臣屢矣尤可哀者安危所繫匪躬

之故其人其事慘入心骨老病呻吟輒難自己短音
促節亦不知是歌是哭也

都統烏公

諱烏蘭泰謚壯武

軍律嚴明謀且勇火器營中名獨聳都護一去誰接踵桂
林城高弧矢張坐開北戶奔天狼

湖廣總督吳公

諱文鎔謚文節

黃鶴樓頭雲亂飛督師一出不復歸鸚鵡能言無是非駢
箕上天不回首不知誰策青羸走

公徇節後猶有以乘羸
不知所往誣奏者幸

聖明洞鑒孤忠
讒者卒以罪死

提督塔公

諱塔奇布謚忠武

岳鄂千里纏妖氛南北一掃如秋蟲賊膽已落飛將軍誰

其云者以悻死來歙岑彭母乃是哀哉王孫竟已矣

安徽巡撫

贈總督江公

諱忠源謚忠烈

布政使銜甯紹台道

贈巡撫羅公

諱澤南謚忠節

書生健者楚兩忠後有羅公前江公江公死守羅死戰衡岳精靈出百鍊皇天何爲喪斯人慟哭江楓思不見

江蘇巡撫

贈總督吉公

諱吉爾杭阿謚勇烈

連年窮寇據三窟獨畏江南兩節鉞中丞胡爲中道蹶廉頗老矣望後來

向軍門

眼中之人無此才大江東去何時回

擬公無渡河

有所哀也

勸君莫渡洞庭湖洞庭南去非故都軍無粟馬無芻君欲持此安歸乎

題羅田陳九香

瑞琳

食古研齋詩集

香山心遠師彭澤坡老才高慕樂天底用論詩苦軒軒緣
情體物是真詮

小窗長日來人少古研餘香得句多偶見一斑想全豹老
來詩律更如何

夏至後喜雨

今年夏雨稀涼熱氣難準分寸都可喜飛章報京尹北風
灑然來秋意入闌楯蕭蕭碧琅玕洗眼覓新筍

任挹春進士

熙弼

餞掣廣東知縣親老告近暫還壽

陽賦詩贈行卽簡閭夢巖戶部

汝弼

並同里諸君子

吾鄉第進士

國朝十五人屈指百年間風氣日以新

重華剪文德禮羅羣才臻六載三奏捷疊雙名益振

今科君與

夢巖

同榜君更哀然首文章傳薦紳

禮闈分校十八房首卷謂之房首

李程導

先路任昉步後塵

吾邑會試房首李奕蘭舍人後於今再見

遂合驛亭月獨照

五百春

太安驛自明迄今始開科第

古來幹濟才經術根天倫捧檄豈

不喜遠道難爲親合浦有明珠爾庭有懸鶉名成幸得告

感激

朝廷仁九衢多緇塵五峯嵐翠絨出城向西笑涼雨隨車
輪農部亦同里四坐羅衆賓酒酣各有贈贈言請具陳燕
薊及雍豫皆與吾邦鄰送君且暫歸祿養宜及辰無令強
仕年徒懷席上珍江海兵未洗徵調彌八垠誰歟活凋瘵

所賴吏拊循涸鮒升斗足救火毋抱薪縣令尙可爲呼吸
能通神河流潤九里獨善止一身願君奉安輿觀彼隴雉
馴上以報

君親下以惠吾民

澤州陳文貞公手書 賜宴瀛臺迎薰亭西苑泛舟

詩卷爲白蘭巖禮部

恩佑題

南齋翰林鄉先生

國初首數陳文貞百年繼起日文定

興縣孫公

綸閣勲業雙崢

嶸青雲驥尾慙後輩同里同官並直內田君竟以京兆終

季高於道光三年入直南齋賤子回翔亦老退瀛臺高宴銀河流仙侶

坐飛太乙舟天上五絃鳳皇至人問一葉梧桐秋我生之

初歲癸丑披卷甲子今三周

公詩作於康熙癸丑年七月

蓬萊文章燕

許筆燦爛中天照雲日干羽蕭韶自一時唐風千載有餘

思白頭空仰河汾學

澤州學術師法河津見午亭文編林吉人序

大雅誰虞江

漢詩

偶有所會得二絕句

汲水童兒鬧不知低頭弄筆寫新詩忽然人散小窗雨黃
雀踏翻桃竹枝

綠槐夕照擁如山宋宋寥寥日閉關多事賁駒解爭鬥又
添春夢在人間

蘭巖禮部得尹文端莊滋圃袁簡齋諸公畫像題記
並附慶蕉園王夢樓孫淵如張船山查丙唐諸像詩

跋合冊屬爲題句

丙辰歲六月

文端昔與簡齋別歲在乾隆乙酉秋其冬莊公亦

內召賦詩作記懷舊游隨園寫照入明月千里清光三影
收維時江表正無事

鑾輅南巡典舉四

行幄長開

慈壽筵

宸章數錫封臺吏朝野歡娛萬事閒卿雲縵縵錦斑斑各
有清才出幕府遂教文藻豔江山相公前後來持節隱吏
疏狂能臥雪四十年間唱和多驪駒門外意如何平原繡
像歸他日公子華筵感再過銀鈎題罷鏗金石博望槎隨

牛斗容三世師生香火緣一門主客雲煙迹卽今篋衍遞
收藏猶覺風流照几席不羨黃金鑄釣徒不悲梁月落江
湖獨憶吳門全盛日曳裾終日會文儒

生日示家人

行年六十四日計乃六三若併以閏計六五數實覃

詩實覃實

討毛傳覃長也

少小歷憂患壯歲陪朝簪始由文學臣繼遂政事

參渥荷

兩朝恩袞職悚且慙艱難事方殷才力詎所堪前年抱憂
疾展轉蒙

宥函匪惟免臯戾更令弛負擔大哉

天地德小草生機含收帆宦海中息影都城南峩峩

五雲闕廣廈森榭相仰瞻心徘徊驚病難施驂蒼茫江海
國逋寇猶未戢近聞戰壘移虎穴何時探肝腸向來熱寢
食能得甘此日亦可惜老懷誰與談家人惜我老肴果紛
盈籃豈不博一醉顧茲鬢髮鬢兄弟半死生世味已飽諳
鬱鬱北岡松歸心渺雲嵐遙思擊壤歌其樂勝彭聃四野
眠耕牛萬家起桑蠶下無狼驅牟上無鷓搏鷓我生儻見
此優游良足耽桑蓬志有在詩以告諸男

少泉孝廉以余生日賦詩相祝疊前韵奉謝

自余抱幽憂長夏已過三念此閒歲月

朝恩所曲覃年未及懸車例不得抽簪竟許以病休養疴
謝常參昨爲生日詩俛仰竊自慙君乃以詩祝賁飾非所

堪上言

生成德萬物歸包函戴山有靈鼈蟲力詎克擔中言軍饑
急仰屋思深含箕斗能幾何挹北而簸南飛濤走狂鯨顛
風折巨柇江湖事翻覆羽檄無停驂拔劍且復休餘孽誰
爲戢下言支離叟經籍資討探瓠落雖無容荼苦亦自甘
唧唧秋蟲吟寥寥雞窗談不著謝公屐不乘陶令籃只宜
槐陰下麈尾揮鬢鬢君詩意良厚君意我獨諳比年楚氛
惡避地無深嵐衆人登春臺泊兮將問聃君看伏櫪驥終
勝歐絲蠶焦明鵠寥寥笑彼籬下鷓人生不得志詩句亦
所耽會當埽千軍天下偶奇男

長夏檢書二首

山谷先生文集卷五
十一
日長何事不能閒又向西堂筆硯安老眼看書看不了欲
存書目當書看

問君書籍幾多儲半自藏書半寄書師友不存吾老矣看

書心事欲何如

陳石士夫子張石州
兩家書多寄存予宅

草蟲

草蟲緣短籬札札若有訴微軀感候出鼓翼送晨暮長股
任追逐野禽飛不顧誤落童兒手纖絲忽遭錮主人偶見
憐解縛以籠護又慮籠逼仄縱吸籬梢露從此得所止感
激無恐怖作意鳴向人報恩惜無路回看同繫侶已爲乳
雞哺哀怨結中腸懷新敢忘故

石士外舅夫子韜光步竹遺照兒子世長藏之數年

矣淮生太守內兄自澤州寄書都下欲重摹本付長
兒而以此圖藏於家感歎不已題詩三章還之

昔者太乙舟初聆伯牙琴希聲按古節微契含冲襟云曾

師成連獨得山水心

公從桐城姚先
生爲古文學

山水娛清暉輜軒宜

武林濟濟桃李門鏘鏘鸞鳳吟高文照四海勝賞餘登臨
不材辱拂拭仰託龍門岑操縵四十年枯桐負知音古寺
想懸搨青苔雨沈沈豈無絃柱在發篋情難任

篋中何所有韜光千萬竹秋風吹碧雲足音散空谷五君

同懷客

程梓庭制府富海帆中丞
吳退庵徐廉峯兩主試

斜日倚喬木棋聲泉石

間幽磴出茅屋先生神更遠笑語近可掬此樂僧豈知

者躔寓目

公記
中語

偶感桃源記已悟桑下宿鳴皋竟先舉歸

鴻各遵陸猶聞石室書藏此雲林麓徘徊展遺像惻愴雙
玉軸

遺像何温温題詩聲暗吞借問卷中詩題者今誰存不知
雲煙過但覺日月奔松柏有歲寒女蘿復奚論離離書帶
草昔生通德門潦倒霜籬菊會共山翁尊陰德高門閭清
風長子孫至今讀遺書能令薄夫敦我欲寫此圖瓣香貽
後昆安得江州月分照柴桑村

用淵明孟
君傳意

伏夜大雨

六月十五日

日在庚子金已伏夜聞屋檐挂飛瀑夢回忽疑屋是船十
九年外金山麓顛風駭浪人間事賸有圖畫詩一幅

戊戌
歲守

風金山有與六弟幕客
唱和詩一卷補圖於後

老農但知飽新穀吾亦愛吾窗下

竹

讀少泉游子吟生日感懷二詩歌以和之

詩以道性情長短高下無定聲東野一聲腸一絕杜老聲
聲訴離別飄風驟雨不終朝江漢日夜流滔滔當其下筆
不能止急節繁絃繞十指忽然斂手如裂帛江上峯青江
月白讀君游子吟激楚傷人心機絲衣綾纏縣續變作黃
鶴南飛曲黃鶴樓高鸚鵡愁梅花玉笛三弄秋爲君置美
酒護草能忘憂不見古來陶土行廬陵歐截髭畫荻恩終
酬男兒桑蓬志有在故國烽火今未休酒酣拔劍爲君起
青眼高歌吾老矣看取驂騑致千里

伏日雨中置酒觀齋袁勇之和予去年山桃詩見贈

次答

黑雲翻墨珠跳白短艇搖秋醉泛宅酒杯深處卽江鄉坐
上明明吳楚客君才破浪乘長風鸚薦人間有孔融張公
龍劍終當合莫歎青袍塵土紅

更夫歎答少泉

客心如老人夏夜亦苦長檐滴如漏刻寥寥殊未央況復
聞櫂聲聲入中腸孤坐本無睡不待攬衣裳借問此何
時階螢正亂翔更夫前致詞問客來何方江漢風濤多得
毋懷故鄉往歲夜方中朝車亦已將常恐更柝遲數問心
傍惶主人今病休我柝猶宵行時於風雨中問我鐙燭光
老年固善覺客鬢且未蒼厭厭非夜飲胡不偃在牀雞鳴

晦不已君子守其常聞聲一起舞四顧天蒼茫感君明發
篇衰朽慙報章

有感一首示世長並寄里居諸姪

濟人之急如追奔扶人之困如壅根昔者吾友清白門再
世幾無以自存區區小惠何足論尚呼將伯相愛恩吾顏
且汗腹屢捫平生志不在飽溫卅載拙宦荒田屯力不足
瞻弟與昆猶思灑潤周鄉村兄衰弟病神志昏終年不得
共酒尊生子但恐爲犬豚力行忠恕古所敦夫豈老詩忘
子孫

戴鹿牀侍郎以詩畫見寄賦謝

綠槐高如山積雨生庭蕪日長誰共語卷簾看畫圖畫中

乃有詩未讀先歎吁猶記雙橋柳柳外西山孤西山連太行鄉樹雲盤紆我欲攀虯龍道遠不可徂不意襟袖底嵐光溢西湖湖邊破茅屋中有煙波徒碧落三神山姓名今在無昔時投壺侶飛電回清臚天風一吹散人事多歧途扁舟箭滿眼南望心脚躡願爲山亭鶴矯翼凌仙都

鹿翁自杭州寄余溪山尺幅并和前寄二小詩有捲後重開生百感之句數千里外拳拳如是令人遠想慨然憶前同直澄懷園廬退食縱談古今時復投壺爲樂迄今思之情境又別此卷合前所得雙橋憶松兩圖遂成三絕縵徂亭祕寶也裝成附詩卷後并寄鹿翁咸豐六年六月記

長椿寺觀明劉太后畫像詩以紀之

并序

漁洋居易錄云長椿寺見明李太后像及田妃寫真
日下舊聞考云一爲九蓮菩薩李太后一爲莊烈母
劉太后無田妃像今寺藏畫像止一軸諦審題字尙
可辨識上方金書宏慈極聖智上菩薩八字下注崇
禎庚辰年恭繪七字確是孝純劉太后非九蓮像時
帆先生存素堂文集有重裝慈壽寺明孝定李太后
像記或漁洋當日所見卽此像後移於慈壽寺歟今
長椿寺有乾隆間戴奉常璐手書唐東江蔣心畬並
其尊人魏齋諸先生詩一幅皆指此像爲李太后或
彼時尙存二軸而詩中何以不及孝純一語會賓谷

先生詩注以爲誤也

昔聞金塔樓尊奉九蓮像漁洋曾見之雙軸光爛朗燕舟
留客話其時像猶兩蓮臺錦袞袞宋寔塵蛛網厥後戴奉
常錄詩及唐蔣像已失其一仙李空瞻仰皆云慈聖容作
詩感疇曩紛吾攷舊聞疑信時恂怛今觀莊嚴相毘盧儼
相仿佛號并紀年金書尙題榜思陵幼失恃追溯心悵惘
宛轉求畫工指示煩母黨六宮紛雨泣專殿崇胖蠻從此
眞容出亦資佛力廣緬思作繪年時事益紛攘遺像下神
霄悽顏動天仗孝定有前徽冥漠合並享不知慈壽寺後
來孰移往詩龕重潢治記載應不爽此寺屬卯金呵護有
龍象近時曾南城題句發遐想想見皇覺初栖霞餘梵響

次和楊慶伯太守壽陽道中作卽寄蜀中

宦海風帆且復收，鄉關未暇問山郵。卻看叱馭經行處，如

送橫汾自在流。持節幾年過故里，已酉庚戌年間奉使蘭州道經敝邑爲農

何日服先疇。知君得句邊城月，曾爲韓亭片石留。

再次慶伯過龍窩寺

昔過井陘道，祇爲簡書稽。龍洞破空出，兩崖如削齊。時平

忘地險，鄉近覺雲低。回首謝橋柱，高車待客題。余舊有龍窩寺題壁

句慶伯詩中及之

七夕立秋二首

人間風浪爲誰生，淚灑成河雨倒傾。欲託浮槎問歸路，秋

來轉恨不分明。

楓葉江頭人未回
桑乾河上雁聲哀
秋風一夜催
碓杵可有閒情乞巧來

三十年前與春海同直澄懷園
七夕詠牽牛花戲爲小詞
春海有輸與郎誇世上曾無織女花之句
一時傳誦偶憶及得一絕句

銀漢迢迢左界斜
紅牆猶記碧籠紗
人間亦有支機石
天上應開織女花

漫齋亭後集卷六

壽陽祁寓藻叔穎

古今體詩四十四首

丙辰

食鄉米有感

南方食稻北食穀春穀作米炊易熟色黃味甘得土氣梁
曰薊蕘勝麥菽嗟予本自田間來四十餘年竊官祿而今
任子尙爲郎歲耗太倉六十斛鄉人念我歸無計更寄新
米供糜粥自從南北軍饑煩幸賴屢豐天降福盤飧粒粒
盡膏血肉食何爲色頻蹙連年吳越海艘至秔稻雲帆出
魚腹比聞江氛雜旱熯插秧已晚過中伏風波寇盜且勿
論收穫今年未敢卜畿南近亦患淫潦桑乾再決河未復

南方種稻稻苗稀北方種穀時苦饑北方仰食南方稻長
久之計須及早老夫輟箸心茫然但願食穀終殘年

秋夜

秋夜涼宜睡秋蟲鬧漸稀如何懸一榻祇自掩重扉坐覺
蟲吟砌行憐露溼衣短鋌閒有味吾欲託餘輝

眉石大姪得孫卽和其長夏寄懷二首并以志喜

老病身閒久謝醫年來何慮亦何思牽蘿漫補三重屋覆
甌空餘數卷詩天外青山雲隱見鏡中白髮月盈虧故園
荒徑如重埽藜杖相將對拄頤

抽簪我尙滯京華汝亦擔書到處家燕向春風尋舊壘人
如老樹著新花蘭階又報生孫竹鳳餅應添賀客茶坐看

發鳩好山色嘉名肇錫定無差

吾姪主講長子書院適合爲官長子孫之語

八月朔夜偷兒負絲衣一囊去口占解嘲荅少泉

袞絲天氣候蟲催應爲秋風一夜來差勝無衣搜蓋篋賺他梁上客空回

白香山像爲葉潤臣侍讀題

樂府篇篇筆有神醉吟瀟灑亦天真緋衫黥澹猶堪著誰識青山獨往人

此余故友余鐵香摹 南薰殿本也鐵香名鼎一名澤

字伯漑新建人流寓武漢間才器高奇博涉書菴金石刻畫靡不研究尤工詩著有風篁山館詩稿潤臣云曾於友人坐上見其遺集采本題曰歸樸集

并記

八月十六望夜慈仁寺松下步月夜深乃歸

三五月未盈二八月未闕西風掃浮雲涼雨亦已歇出門

何所之信步田壟越禾稼初登場晚蔬待霜掘裘裳訪古

寺

研鄰載之觀之
質卿長兒同遊

顧祠且瞻謁是時月上禪燈出叢樾

老衲倚虬龍風濤靜不發陰森太古色秋氣浸毛髮須臾

殿東隅銀蟾吐林窟樛枝忽穿漏皓采猶鬱勃斜攀石闌

紆暗躡煙葉滑豈知重門外清景獨超忽天高海水凝星

斗光盡没只疑九霄多人間無此月僧言見月華毫光悟

寶筏又云閉目坐心鏡了不竭笑余涉塵網眼界終恍惚

仰觀山河影媿此老松骨清談味苦茗孳讀謝殘碣歸來

衣露生城鼓已三伐

題澄懷園十友圖 并序

此圖道光二十三年濱州杜文正公屬江陰吳君僑所作也澄懷園在 禁園東如意門外雍正三年

賜內廷翰林居之桐城張文和公以康熙間 賜書

澂懷二字名園園廬凡十餘區皆環水南嚮百餘年

間屢經修葺改移獨近光樓巋然尙存中央一區老

屋三間具翬飛狀蓋亦舊址十友者文正公 道光癸未進士

與平湖徐惺莽士芬 嘉慶己卯進士 黃縣賈筠堂楨 道光丙戌進士

吳縣吳崧甫鍾駿蕭山朱桐軒鳳標 俱壬辰進士 武進丁

誦蓀嘉葆 戊戌進士 同直 上書房錢塘戴鹿牀熙 壬辰進士

涇縣張篠浦芾昆明何根雲桂清 俱乙未進士 及禱藻 嘉慶

甲戌進士同直南書房其步石而前者崧甫也近光樓

下倚石垂釣者篠浦也旁坐石牀者根雲也隔荷橋倚樹立者筠堂也離立者誦蓀也對面持卷雅步若笑而迎者文正公也前軒羅書冊坐而撫邴者鶴藻也對坐展卷者惺菴也重岡透迤涼翠淪漪小艇載書縱篙所之二容翛然若語若思右則桐軒左則鹿牀也圖長一丈高尺餘樓館花木水石諸勝略具大概蓋仿澄懷八友而作八友圖石刻搨本昔曾見之又按漢陽葉雲素先生始林館詩集附記乾隆丙子歲漳浦蔡文恭公以少司寇乞養將歸圖其同直七人介休梁少詹事錫璵錢塘周學士玉章會稽周學

士長發武進程少司馬景伊安州陳副都御史蕙華
無錫張編修泰開長白少司馬觀保爲澄懷八友圖
徽州汪文端公作記武進劉文定公仿少陵體作歌
越九年甲申圖中人惟無錫張公仍內直其七人或
遷或歸至是陸續入直又得七人則星齋陳公海住
金公文園李公抱經盧公金圃謝公敬堂倪公曉園
汪公也据記則澄懷八友似有後圖未之見也圖成
於癸卯之秋時雋藻兼直樞廷移居雙橋僧寺同直
諸公時復過從曾和文正詩有空慙少陵句歸院柳
邊迷之句蓋憶澄懷舊居也當時同人官職未及敘
記今筠堂已躋端揆桐軒掌司農根雲開府浙江篠

浦中丞再起督軍皖南鹿牀以少司馬告歸而惺菴
崧甫兩侍郎誦蓀庶子俱歸道山壬子歲文正公以
勘辦山東江南賑務終於旅次功在天壤名在 國
史至今望之已如古大臣矣而嚮藻亦以老病蒙

恩致仕追念十餘年前名園勝侶繪圖之樂恍如夢
境披卷楨觸能不慨然昔武進劉公以漳浦作圖繼
懷石交推一膜之愛以聯之是道德文章所維繫而
不可已今文正公作斯圖以紀一時盛會而嚮藻以
同年同直亦遂獲附驥尾以傳於後且樂觀我公椿
庭期頤壽考之慶公子昆弟接武濟美文章勲業正
未有艾則攬斯圖也見性情之真增氣誼之重豈第

步趨前輩風流爲翰林主人添一故事已哉禱藻旣
爲敘其頌末復長歌以咏歎之質之繼園樞密少司
空雲巢少宗伯以爲有所感焉可也以爲有所忻慕
焉亦可也咸豐六年歲次丙辰中秋日致仕大學士
壽陽祁禱藻記

玉堂金殿蓬萊仙端揆今居百寮先坐論餘暇來三天靜
觀獨契圖書淵

武英殿大學士賈公

司農亦掌九府權海漕旣集思

豐年安得耕鑿銷戈鋌從容鷄步花八甌

戶部尙書朱公

越中開

府南齋賢高才碩畫心力專保障且及鄰境邊

浙江巡撫何公

皖南使者名並傳昔撫豫章城守堅公望定卜

恩再遷

前江西巡撫今督辦皖南軍務張公

煙波釣徒書畫船孤山野鶴飛

翩翩豈知舊巢阿閣巔

前兵部侍郎戴公

手汲修綆心寒泉學能

經世書待編

故侍郎順天學政徐公謙求西
北水利余會爲字井詩紀共享

六書理董羣

經研仙骨信有靈山緣

故侍郎浙江學政
吳公有游雁蕩圖

乘槎一去竟不

旋黔西一客尤堪憐

故庶子貴州
學政丁公

偉哉師道尊講筵錄圖

授學

帝所虔功成名立終乾乾餘事活民萬億千我公雖歸家

慶延靈椿春秋逾彭篋玉樹競茂芝蘭駢披圖光霽清且

妍池館仿佛開碧鮮

嘗爲文正書
碧鮮館額

衆賓笑語衣袂聯妙繪

直追百年前

太師文
正公

公子訪舊城南偏袖出一丈橫波煙

履執亭叟老病孱洗眼諦觀不能眠江湖浩渺心旌懸小

園雨迹青苔穿東陽詩客曾隨肩畫外題字猶拳拳

沈聊
亭侍

耶爲題卷首明翁
亦兩書房舊雨也
吳生寫照秋月圓對影鬢髮驚蕭然作
歌慙附八友篇
寓藻

五臺徐松龕

繼奮

七兄寄詩見懷次和二首

使星歸蜀又三霜鄉國頻番得報章上黨已辭昭義節橫

汾今闢讀書堂

君自四川

主考去官歸里適粵寇北竄潞

平遙

遙憐代馬常思趙獨媿韓碑欲補唐

余近年會爲聞

平淮西碑其裔

衰病酬

恩更何日感君詩句卻霑裳

清涼佛界玉堂仙誤落風塵三十年鑿空箸書瀛海外

君撫

閩時會著瀛

環志略一書投閒招隱麓臺邊

平陶謁辰山

邦人築室尊

文黨弟子擔簦慕范宣

平介間聞

君設帳負書廬至邑安

得江湖銷劍戟更看烽火化耕煙

再次松龕設帳閒吟學放翁體二首

秋蟲苦訴定奚爲有病呻吟亦可嗤同谷歌成少陵淚散

關夢斷放翁詩故園黃菊心空繫破榻青苔迹未移等是

罷官閒有味誰令留滯獨遲遲

答來詩意

老懷感事尙殷然

君寄感事詩五首

欲爲江防策萬全民力輸將

誰肯後

天心仁愛本無偏指麾數見軍增竈保障還思吏飲泉回

首浮槎歸路在仙霞送我擬登仙

道光庚子歲奉使閩南與君共事半載

松翁寄示哭亡弟幼章詩感慟不已次和二首

揮劍翻招跋浪鯨士衡撫掌誤論兵況霑忌刻心先瘁縱

竭心思議不行轉戰尙堪資外援退飛何自毀連營當時

投憤空銜恨眼見長城是壞城

此詩皆述亡弟手札情事

嶺外初聞擊海鯨歸來吳楚又徵兵

廣東勦辦英德賊訖再遷江藩

哀鳴

正念飛鴻集

欽使杜公奏辦淮徐底務

乖氣偏逢猛虎行

用退之詩意

堪

慟頻年多患難最憐獨力苦經營

金陵守禦周密竭盡心力徒以督帥軍退險微

致令銜恨而歎

江楓爲寄招魂句血淚空傾白下城

獵閭村舍爲田載之孝廉

屋

書卽題其後二首

織餘聚卽獵閭村顏訓分明奇字存好向仇猶尋古蹟堂

堂京兆有諸孫

同里同官感舊游君家學舍小如舟

京兆有獵餘村民小印又自題書齋曰如

舍履紉亭叟歸來日重訪山村一段秋

楊烈女辭

并序

戶部郎中涉縣楊君

三珠

之女字武陟吳世貞將娶

而壻歿自經以徇良峰侍郎

倭仁

哀其志爲之傳中

州士大夫復爲徵詩以傳之

朱絃託素琴不鼓自有音琴亡絃亦絕乃見烈女心 一解

烈女年十九母喪依大母毛詩女訓誠諷誦常在口 二解

父爲農部郎壻居鳴珂鄉車輪將及門輪摧車乃傷 三解

未嫁義從父女心獨自苦納采旣問名女身已有主 四解

初聞涕潑潑繼且強笑言手中冰蠶絲蠶死絲則堅 五解

絲堅冰更潔甘爲枯桐折雲車夢見之鄰里紛傳說 六解

奇節豈爲名名者感其誠誓不負所天義不忝所生 七解

烈烈楊氏女可以振風紀誰爲烈女傳三天老學士

八解

秋日

秋日氣清嘉閒庭鳥不譁飯餘聊散步睡起且澆花採菊
時難得銜杯酒易賒似聞故人至千里卽鄰家

閩陳勿齋
移家來都

到時當及
重九也

重陽日段芳山

承實

吳筠軒

兆麟

郭玉麓

祥瑞

夏芝

岑

獻雲

賀雲甫

壽慈

攜酒邀集南鄰袁勇之宅並餽

盆菊和淵明九日詩二首奉謝

幽栖鮮人事舊好懷平生徒吟閒居詩媿此嘉節名夕陰
風林動晨霽天宇明五君金閨彥簪筆蜚英聲公退何委
蛇顧念遲莫齡攜尊就我醉不惜升斗傾餉以延年菊粲

粲盆中榮袁生亦佳士賓主含餘情良覲展襟抱幸聞秋

稼成

淵明有九月
西田獲稻詩

昔親芝蘭室得從金石交蒲柳搖晚秋獨先松柏凋天空
木葉下山近霜氣高回首阿閣巔鳳皇翔九霄豈不戀德
輝道躋思孔勞采采菊盈把離離桐半焦願賡停雲曲曲
終慙和陶何由報瓊玖悵望惜崇朝

次韵爲羅田陳九香

瑞琳

題所藏東坡紫雲硯歌

硯

寸刻云紫雲端宋元豐六年十月十一日東坡刊於
承天寺中爾本無名托乎雲水雲盡水窮唯一堅粹
夫嘗遇之
願鑒之外

我有三石友亦云端溪製惜哉歲月老研磨媿無文翰飛
省寺每吟坡翁龍尾歌不見鳳咮手題字字外出力硯不

知妙奔荃蹄理無二先生食古寶寸田朝耕莫種胡爲然
苦筭盡鰕不得飽賸有佳句今流傳黃金買馬非真馬舉
世爭侮鄴宮瓦歛端亦有新舊坑譜錄紛紛識者寡雪堂
人影淪江湖承天夜色人間無獨留紫雲伴竹柏應與古
鑑憐羈孤東坡過古黃州
獲一鑑有鑑銘當時菜圃秋一片妙墨只容北

海覓數畝官田瓦礫荒十年衰鬢鄉閭羨豈知遷客箸書

歲遺愛到今思吏治此硯曾題東檻詩傳家或自岐亭致

西山梅花落香影南海荔支點紅翠美髯詩畫曾有緣會見

東坡武昌西山
詩荔支畫墨蹟過眼雲煙那能計高齋方池四十春摩挲

手拓銘題新珠璣累牘發光怪長歌自敘尤有神君不見

斜川有集遺子孫

令嗣凝甫舍人昌
綸詩學能得家傳

捕蝗行

咸豐天下多豐年官軍衛民民衛田軍帑雖絀糧可濟海
漕且來吳越船自從飛蝗入畿輔米價一石錢七千百慶
緩急走鈔紙九府輕重流貨泉

宮中聖人心惻然尙方減膳樂徹懸

詔下捕蝗吏擇賢吏賢歲稔民歡擇虎去鳳來聞自昔今
年十月見三白冬雪殺蟲定宜麥

時憲書今年十月三
白落地諺云主雨雪

獨酌

破籬一二丈漏屋三四間野菊數十盆吐華幽且嫺良朋
偶載酒我醉君且還興來輒得句隨意增復刪連宵月彩
清霜氣銜遠山借問此何時江湖事方艱南風遞好語似

欲銷羣姦感茲坐歎息獨酌聊解顏

空谷六章章八句

讀邽谷風篇疑其章句以五言衍之

空谷多悲風秋夜多陰雨結髮事君子黽勉無喜怒女蘿
施松柏託根幸同體願爲女蘿生不願松柏死 一章

道遠行故遲貌衰心亦違誰謂生相憐出門卽郊畿良蜩

不知雪蓼蟲不食薺我行將安歸無父母兄弟 二章

河之水湯湯中有洲與沚欲渡無舟梁褰裳不我以石水

泥八斗三星照徹筍清濁未分明它人議其後 三章

釜鬻亦有漑尊鬯亦有舟得毋酒食儀不足充宴游微軀

託菅蒯負薪何所求鉛刀割機絲一絕焉能救 四章

膏沐誰爲容何敢論恩讎良玉自有價雜佩已見售縑素

有新故雲雨有翻覆君看焦仲妻至死無怨毒

五章

簞食感翳桑孤裘忘嚴冬世情固有然達者安其窮願君
求琴材慎勿伐條肄願君作室家無但事塗暨

六章

次韵陶鳧薌前輩和張詩舫少宰二首

東籬風味老能諳上壽曾聞飲菊潭埽徑花開來舍北登
高賦就憶江南宦情已似秋雲澹吟興猶乘彩筆酣誰共

清尊互酬唱薌枝麥秀問張堪

時詩舫管理
京兆尹事

蓬島瀛洲路舊諳只今秋月印方潭風標獨冠容臺上時

論同歸杜曲南

翰林前輩濱州石樵
先生外公齒最尊

且盼銷兵笳鼓競先

占迎歲雪花酣卻慙碎錦才都竭健步從游已不堪

萬道人

壽祺

爲顧亭林先生寫秋江別思小幅并自

記卷尾有程氏

瑤田

兩跋張石州重摹其嗣孝瞻持

贈姪孫友直展卷慨然因爲題後

非僧非俗亦非儒與物無求與世疏名字浮沈再轉注乾

坤浩蕩一蘧廬

亭林又名圭年自云再轉注而得此名

道人自發秋江思讓

叟還留晚歲書獨惜重摹無手跋陽泉回望重踟躇

聞五姪世佶北上感作

燕臺一別又經年霜信重來月上弦乾鵲但知迎客噪秋

花何事向人妍蒼茫家室身如寄患難文章手自編

時爲季弟

行略

初成遲汝南窗同看畫江天極目尙氛煙

送族孫友直歸里次前韻

堪喜吾家正少年嘉名不愧直如弦學詩已近唐人律作

字能分柳筆妍中尉家風存舊譜

邢氏世譜輯輯出友直手

小坡吟草

得新編爲余寫還鄉且奉冬芹祭

近因祖母喪同籍

更望春歸及

禁煙

冬初菊花始開與雷少泉閣夢巖喬研鄰袁專之田
載之趙心園諸君作展重九之飲時姪世佶姪孫有
穀初來京友直將歸並示世長

今年節候晚逾嘉籬菊遲開豔倍加秋盡難逢入液雨

冬立

後十日爲入液至小雪爲出液得雨爲之液雨病餘偏惜過時花蕭疏客思惟宜

酒爛漫鄉音似到家好借新詩添故事觀齋留作畫圖誇

季間宗姪爲寫籬菊小幅

陳勿齋表弟生日以畏風不果往戲爲小詩祝之

躋堂酌酒會嘉賓十月爲陽歲丙辰共道先生壽者相不
知昔日宰官身伯鸞更對齊眉案仲舉無嫌下榻塵說與
元方須洗犂他時還約醉比鄰

展重九詩和者九人疊韵荅之

吾廬雖做衆賓嘉團坐能令酒量加得句相呼惟舊雨伴
人最久是秋花吳頭楚尾江邊思少泉研鄰勇之皆入客都門白鹿青

松夢裏家

夢巖心園皆同里

更約銷寒頻做節醅顏付與少年誇

勿齋以和章至次荅

招隱歸來媿孔賓黃花秋圃惜良辰宦遊海內家何在留
滯周南老此身一笑相看雙鬢雪三年不踏九衢塵喜君
懸榻能延客猶似東華舊卜鄰

讀漢書三首

漢武求神仙亦欲長不死歸來望思臺乃在泉鳩里蓬萊
渺何處歲歲歌瓠子樂極哀情多秋風白雲起

鼂錯號智囊東市禍已伏延年號屠伯道路皆側目父知
家必危母知子必戮歎憤歸里閭不能念骨肉賢哉雋京
兆用法嚴不酷虛心多平反亦由母教督堂上加餐飯堂
下無傷足爲善貽令名千秋仰芳躅

達人能知幾交道貴由禮楚元敬三友華燕日以啟穆生
不耆飲坐上必設醴嗣王意少怠謝病去朱邸豈不念前
德詩人重豈弟誰謂匏葉苦褰裳庶往濟雅春楚市間鳩
飛獨迢遞

米貴二首

長安米貴欲量沙，蝻子初生麥吐芽。秦粟未聞通雍絳，蜀

船空議漕裒斜。

東坡句猶有張湯欲漕斜

難求卻病三年艾，且喜占豐

六出花。

十一月四日得雪

畢竟津門連海國，裏糧誰泛斗牛查。

今年

江浙早荒明歲海漕難繼北方亦有蝗災間時議轉秦蜀之粟恐冰道不便惟招海船運米閩粵設局天津收買其

議較長

木蘭北望十三圍，千里山川塞草肥。沃壤舊傳元郡縣，周

法終是漢封畿。上林田土耕牛入，文囿芻蕘獵馬歸。他日

渠成思鄭國，迂疏此議未全非。

余初任農部有畫此策者格於例不敢議

冬夜早起

雖無殘月挂疏櫺，猶有寒鐙倚短屏。敲枕探書衣觸壁，撥

灰溫酒藥傾瓶

左臂痛服藥酒

柳生左肘元非病槐夢南柯早已

醒聊借小詩消永夜不關平旦誦黃庭

次韵荅少泉

風葉鳴窗雀啅樛漸看曉色上書屏虛名枕底一炊黍別

緒沙頭雙玉瓶

梧姪初歸里

老去鄉心空有夢詩來倦眼洗還

醒羨君速藻紛搗錦簪筆宜升著作庭

次韵勿齋自遣二首

酒後高談猶似昔詩成老筆欲回春知君樂道神明足與

我忘形笑語親雲路驂驪仍接武霜天鴻雁正來賓何期

人海蒼茫裏收取雙帆自在身

來詩有靜坐不知冬日短重來仍是故人親之句

梁生質庶何須隱陸子移家總似浮十載歸田閒亦好一

經教子願先酬卻憐富貴如春夢難得交親到白頭近日
江氛差不惡舉杯相對且銷愁

寄三兄兼憶四妹

老來兄妹剩三人併計年華百九春兄今年七十一弟憂
六十四妹六十
患餘生多壽考別離晚歲各清貧長江風浪驚心久故國
雲山入夢頻分米析薪慙薄少雙魚緘寄卻露巾

送五姪世倌歸里

十月二十六日

江城尙格鬥羽檄飛燕臺素衣風塵中爲我數往來我病
經三秋臥榻生青苔慟念汝父喪魂夢有餘哀汝又遭母
憂鬢鬢誰與儕嗟我同懷親比年已半摧仲兄踰七十耳
目神先墮有妹亦老病還家能幾回明月千里隔流光奔

輪催仰視鴻雁行。鐵羽各徘徊。汝來復告歸。念我不得偕。
側聞石頭城。逆賊紛內猜。狼貙自搏噬。假手殲厥魁。天心
厭禍亂。慘澹氛煙開。會看雪夜捷。一掃沙蟲災。汝往奉靈
轡。吾弟有歸骸。我亦憂患餘。生還思蒼萊。鬱鬱北岡松。昆
弟昔手栽。骨肉尙有人。不歸胡爲哉。破屋三重茅。雲山千
萬堆。送汝苦寒行。老淚傾凍醅。

履齋亭後集卷七

壽陽祁篤藻叔穎

古今體詩六十四首

丙辰

丙辰歲十一月朔日

寶錄館書告成

上以

臣篤藻

會充監修總裁官

賞食全俸感

恩恭紀

虞書首堯典文思肇史例周書陳大訓燦然載世系我

朝治邁古

七葉啟

先帝

龍潛戡大難

遺詔示

郊禘

垂拱三十年

功德與

天際道光紀元初

小臣拜

恩逮簪筆侍

南齋早覩

日星麗維時回疊平

受俘稽典制樞垣預機務實始辛丑歲島夷方構患

宵旰精誠厲十年一奉使攀髯空隕涕恭逢

皇建極

祕館司書契

實錄以年編

聖訓以類繫大體秉

宸鑒分纂資衆製疏庸忝領職時恐滋咎戾離局況已久
微勞豈足計何意衰朽質乃蒙

推食惠頻年軍饟急兼慮海漕滯哀鴻滿中澤安暇問租
稅

朝廷詔祿典素餐亦難繼平生媿俸錢送老甘粗糲報

恩竟何日感激念時勢

聖人寶金鑄臣朔乏獻替且從康衢叟鼓腹游

盛世願聞銷甲兵更祝免菑沴

冬夜同舍聯句和韵荅之

石鼎聯吟夜松陵疊句時昔賢曾勦格今雨共論詩妙領
蘭言契閒邀竹徑披留賓常下榻相士不關皮學趁三餘
暇才推一字師自慙窺管豹聊備借書鴟接席頻揮塵投
壺間品棋豪情長劍拔密詠短檠移各奏鏗鏘節羣矜願
盼姿簾虛能駐月硯煖未疑嘶郢曲紆高唱少泉江都苦

下帷

硯鄰

心懸鴻雁遣手持斧柯持同舍鄉音聚分曹宦

迹隨

夢巖心園及
兒子世長

清談空乞墅

張甥
孝救

衰鬢久成絲易醉燕

臺酒難醒楚客醅餘氛煩盪滌流俗感淳漓簪幸良朋盍

花憐老圃遲靜中知病減閒處得神怡槐巷回幽夢梅圖
發故枝銷寒期雪集更約門新奇

爲吾宗立叔太守書繫舟額題後

作郡真如不繫舟十年江海舊遨游歸來靜坐蓬窗下且
學陶公錄竹頭

十一月初八日張氏妹攜七歲姪女招姑來都蓋石
州先生遺腹女也其生母亦亡吾妹撫之如己女聰
慧綽有父風感歎成詩

己深杜老鍾離感又爲西華葛帔憐

石州無子妹以次子孝瞻嗣之

今日

一星餘曙後當時四傑在盧前遺書待卒中郎業擇壻誰

知後圃賢

用裴寬事

手札幾行偏觸目相看不覺更潸然

適發篋見

石翁手
札一紙

內弟曹柳溪 汝愚 以余致仕賦詩見懷次答

衰病回思少壯年每過謝墅共華筵
敝扉久切西州感製

錦今看大邑賢十載清風餘滿袖
歷任平谷龍門諸邑 一行旅雁尙

隨肩 堯臣內弟 安心是藥慙

恩重更乞丹方喜欲仙
君精醫理每來都為余診脈酌方

柳溪題余詩集次韵二首

篆刻雕蟲苦未安空談不稱棗梨刊
病餘且免遺書失老

去方知下筆難蠟屐平生纔幾著
雪泥陳迹又重看知君

官閣清如水付與籠頭試月團
來詩有幸我官閒窮目易之句

厝火時方策治安導河續未奏
隨刊文章小技雕鐫易憂

患餘生報荅難把卷不須奇字問題詩聊作故鄉看

用來詩意

思量此事會何補贏得挑燈鬢雪團

望雪

十一月二十二日

今年秋有蜚渴望三冬雪月朔偶霑灑兼旬冰未結及茲
日南至轉慮陽氣泄昨宵風聲發窗紙鳴欲裂檐頭大星
垂芒動眼明滅曉起雲物變晴色爭凜冽蕭條孤雁來千
里寒聲咽似聞太行陁已有飛花掣

高殿薌始升

時於大
高殿祈雪

南郊仗初列

二十四日冬至前一日
駕宿南郊齋宮

定憑埽盪力轉此嚴

疑節何須塞土囊會見堆瓊屑陳根看盡拔螟螣無遺孽
猶幸春事遲敢欺生計拙

朱履詩沈舜卿先生爲其弟春湖觀察作也先生兄弟相約年七十乃著朱履今春湖果以七十致仕喜而賦詩寄示次韵二首賀之

一編聊記宦游曾

春翁有七十自序時哲嗣爲太谷縣令

三老風流遠近稱

膝下飛鳧方接武作朋真合頌岡陵

舜翁質翁今年均七十有五

笑我鄉心追葛屨羨君壽骨貫犀顛雲巾方烏知相稱更寫坡翁笠屐圖

臺海運糧圖爲曹嵐樵給事

宗瀚

題用石士夫子韵

給事大父芝田由吳淞運糧百七十艘浮海達泉州乾隆戊申自記給事補圖

海疆自古論戰守鑠鑰咽喉在江口雲帆秔稻東吳來轉海饜軍事亦久我朝封域跨海涯有元運道何足誇請看

聚米臺澎島中有浮天牛斗槎鯤身鹿耳盡編戶萬里螺

舟平賊處

閩浙督署藏右旋白螺乾隆中領賜臺灣軍帥渡海者

豈知飛輓成戰功

留取畫圖入詩句我昔使閩窮巉巖驚嶼軍中枚夜銜歸
來歲籌太倉粟海艘渴望津門帆仙山清夢落筇筑指點
神雅送樵牧慶原太守吳郡丞策勲老荷昇平福文孫感
舊記題楹繡服難忘捧硯情便擬從君歌擊壤白頭江海
見銷兵

沈雲巢廉察和舜翁詩有三人二百二十歲之句舜
翁以令姊今年八十又得句云兄弟四人三百年妙
語皆天成也再和一首

四照移華共綺筵家風還溯

四朝前便思杖履從君後卻媿懸車未及年

宗姪立叔

之鏐

爲余寫竹窗初雪圖題云長安米侶

珠一雪關生計林下寄閒吟未肯忘斯世題後和一雪何足圖萬事宜早計誰謂竹窗外盡屬人間世

冬至日觀齋同人小集題竹窗初雪圖用裴達詩太

史方簪筆高臺紀彩雲分韻得太字

冬日常苦短老去亦無奈紙窗一寸雪留作消寒會會中

十二人磊落形骸外促坐忘主賓隨意著冠帶吾宗新去

郡

立叔前任武定太守

爲我尺幅繪竹籬茅舍間已覺出塵壒林穿

劣可坐酒薄近堪兌寒鱸繼燈燭鄉味雜南膾不有詩遣

懷誰與暢天籟自從軍事興參歲何戈設楚氛今尙惡郢

笛悲無賴

少泉頃有寒夜感懷諸作

鬱州海上客歸路隔豐沛

研鄰閉

門孰高臥江閣動旌槍

剪之

唐風感蟋蟀猶勝歌曹鄴衰

年驚物候急箭下湍瀨羣賢發高詠諸子得沾句詩成筆
未凍春氣有餘藹羨爾畫中人罔瓢雪深葢聊爲歲莫吟
好樂無已太

十二月六日

實錄館頒給監修官錢百貫感

恩恭紀

恩加三館

滿洲蒙古漢文

慶彈冠稠疊榮施媿未安病鶴已曾叨

厚俸驚駘那復稱雕鞍

監修總裁例有鞍馬之賜

鐵錢餞歲新緡鈔

銀管題名舊史官敢問二疏金盡否且斟春酒薦辛盤

次韵荅勿齋三首

鄉閭覓別湧雲樓一笑燕臺九日秋

君來都恰值重九

野馬勒回

塵外迹籬花銷盡客中愁年光大似離弦箭仕宦真如泛

海舟四十年來十萬里比君腰腳更應休

來詩有八年四萬五千里之句

計余奉使隨扈并少時度隴之行不翅十餘萬里矣

亦知過眼等雲煙搔首何煩更問天況有游山雙不借未

妨舉酒一陶然故園松竹應無恙破屋藤蘿尙可牽已聽

南風傳好語且看臘雪兆豐年

煮茗頻將好句搜讀書笑我雪盈頭淺嘗糟粕終何益多

病漫荅始漸收敢冀行年臻化境卻妨文字誤時流不求

甚解吾衰矣聊與先生一醉謀

緜山茶歌贈李君復 其芳 兼呈坐客

緜山茶清且美李翁餉我走千里云近得之朱處士 德秀
介休經介子推呼不起緜田火後炊無煙一寸苦心燒不死坐
客滿堂倒瓶罌主人棖觸不能烹似聞雀鼠谷前水猶作
龍蛇悲歎聲

何通甫農部

兆澂

供菊圖

露布頻聞驛騎騰 頃聞武漢江浦均有捷報 小窗殘菊倚青鐙年來老
眼麻茶甚除卻看花百不能

臘日晴窗憶雪天客來鑪篆有餘煙回頭別墅栽花地一
幅秋光又十年 君近有雲山別墅詩

寒夜不寐

落月挂高樹顛風搖破籬爭栖烏接翅嬾吠犬生蒼歲晚
更籌急宵深燭跋遲開門還獨立呵凍強裁詩

少泉惠六安雨前茶以縣山茶報之

齊安老居士贈我六安茶碧葉未過雨寒泉初汲華澹如
人對菊清比句籠紗報以縣田種鄉風敢並誇

聞官軍克復武昌感喜交集簡雷少泉

楚氛漸欲及襄荆五載長江未罷兵氣轉一陽冬至節天

教三定武昌城

武昌省會自壬子歲至今三陷三復此大
中丞胡公林翼於十一月二十六日克復

二十九日捷書到京 尚聞漢郡蟲沙集未斷黃州鼓角聲

時冬至後六日也 早晚樓船向東下客心如雁計歸程

神鷺行

事見夷堅志

君不見宋紹興時淮北地秋稼如雲蝗驟至水濱有鳥名
曰鶯脛長喙利千萬翅啄蝗不食吐復啄秋風一吹歲大
熟朝廷詔策神鶯勲封曰護國大將軍嗚呼將軍軍過蟲
沙埽何況十萬貔貅疾於鳥

慈仁寺戒學長老餉粥

幽居近蘭若容易致蕪蕪汲取寒泉井分從香積廚平生
耽脫粟一笑伴蒸壺試問蟾知客何如爲甚酥

寄迹桑三宿浮名黍一炊齒牙今已脫糟粕更何爲故著
花成雨應憐肉作糜瓦盆喧凍雀得飽敢忘飢

六姪世敦來都用東坡冬至日贈姪安節韻作詩三

首示之

節序不饒人今日是何日親朋滿南軒舉酒談促刻酒酣
雜感慨豈爲吾衰疾江海尙格鬥紛紛事不一憂慮見骨
肉詩書在牆壁念昔馬文淵垂老誠子姪畫虎恨不成聞
者心悲粟汝孫已弄瓦汝田半成石往時徵逐輩情好漸
已畢誰於塵甌中爲汝致涓滴

人情老多憂游子宜愛日憐汝兩幼弟且足娛繞邨汝父
七十餘汝母亦夙疾汝子俱及冠事養賴汝一讀書吾家
業不學如而壁老大幾人成餬口念諸姪汝來吾更悲遠
道苦寒栗吾老臍此屋所媿糜祿石

近蒙
賞俸藉
抵官房租價

汝姑

又吾倚百願無一畢安得盈尺雪分作窮檐滴

汝生吾宦後未見艱苦日吾兄體素羸愛汝恒置邨一第

白鬢髮又嬰耳目疾平生畊硯田十樹不獲一辛苦爲作
室倏忽餘四壁它人實廷汝吾豈不念姪兄妹贖三人零
落如霜粟汝叔惟吾存人生豈金石兄老弟亦衰婚嫁未
易畢來者猶可追吾淚爲誰滴

武昌漢陽兩城同日克復詩以紀事

十二月三日

昨聞收武昌今聞收漢陽捷書連日至悲喜難自量回思
僨事時賊勢何猖狂將兵在得人旋轉如風檣前年南軍

下儒帥來湖湘

會公

左右惟賢才文武資助勦

塔公羅公皆會公所

識一舉定武漢再舉安蘄黃揚帆越潯口直欲趨建康守

土彼何人乃致餘燄張平生負韜畧聞賊先倉皇坐看鼠
變虎縱令狼驅羊哀哉江漢民二度罹禍殃睽睽兩大星

相繼賈厥亾

塔公憤卒
羅公陣亾

中丞出巴陵

巡撫
胡公

節帥移荆襄

總督

官

分軍扼南北翦翼搃其吭軍中孰健者楚材實最良

楊

兵載福李觀察續
賓王總兵國才

一日克兩城陽氣回冬藏當其經營始

兵力猶未遑及乎謀定戰快若決潰創擒賊必擒王挽弓
必挽強二三英雋出勢已摧橈槍乃知壁上觀何如錐處
囊前車數可鑒思患宜豫防願聞鏡吹聲日與江水長

消寒二集詠古銅解二首得滿字

此道光初年
器也解抵亞文中

有古篆武進李君願釋其
文曰杜黃撰寶解山房記

晴嵐古翠新雨澣雲雷繞腹橫不斷千秋杜舉傳姓名
法金工細留款

茗宴捧歸香案重梅圖寫入南枝煖酌酒留賓容幾升古

來敲器何曾滿

澄懷暇日憶休澣好古同心筮金斷前有斌良

筮畊太常
留心金石

始識爲
古飲器

後李願

字慰望申者
先生之子

眼饒心醉手撫款昔聽鐘聲

問憂樂今從瓶凍識寒煖惜哉未入掣經室搨本流傳題

字滿

阮文達公有積
古齋鐘鼎款識

題雷少泉孝廉文詩舊橐

詩句縱橫見性情文章樸茂有公評風塵一載金臺客款
唾千篇玉笛聲滿眼蒼茫思故國寸心寥落感平生低頭
東野吾方媿敢效韓公賦短檠

冬春吟

萬物靜中息不眠夜多聞闐然牛蟻鬥牀腳聲何殷初訝

耳鳴聚秋蟲繼如以罇節鼓叢雷雖未發雉已雉地氣暗
動陽上熏聞自西北來聲遠無涯垠忽然入枕枕有竅雨
點亂落檐滴勞老人起坐修崑崙以手捫耳齒叩齧始知
冬舂米聲急歲序已逼人事勤爾來市價日翔貴萬錢不
復論石斤天寒日短夜確苦面目黎凍手足鞞布被深擁
亦何幸臂痛安敢惜勞筋傳聞兵家云善聽者不紛弓聽
能知百里外甕聽不畏地火焚嗟余有兩耳但聽舂米不
濟軍呻吟未了鴉誰噪雨雪更望天同雲

戲荅勿齋風夜不寐

得君不寐詩令我感風夜挑鐙一再吟不覺笑且訝新居
有瓦屋固已勝茅舍狐裘尙未敝紙窗幸無罅緣何牀遽

穿轉側不容勝有酒便可煮有肉亦可炙何獨乏鑪火赤
腳暗騰跨噤如蟬抱葉竦若鷹栖架知君用志苦食蓼甘
如蔗得毋諷世俗煎熏困蘭麝城西有病翁欲歸手犁耙
臥聞風撼牖呻吟每自詫君能數往來吾榻久已下

恭聞

三壇祈雪敬紀

神

祇

太歲三大祀位與

先農尊爲壇

農壇歲舉耕藉禮雨雪所報茲維虔

南郊

祈穀典並重四時玉燭占豐年

常雩請雨或未足

深宮默禱精誠鑄不敢遂舉

大雩祭

高元寶殿升薌先粵惟

三壇

帝左右如公孤位槐棘聯堂陞森嚴等而上瀆則不敬越則專

三壇既告

方澤祀然後哀籲呼

蒼天大哉

乾元統萬物日星河嶽神功宣歲有陽陰

聖心省調和水旱德罔愆我

皇御宇萬靈埃屢豐猶不忘振蠲今年閔雨歲小歉螟螣
蠶賊相因緣三冬望雪如望雨生麥殺蟲天必憐南至已
過小寒屆同雲數爲風力牽月惟辛丑日丁酉十二月十
有四日

崇壇肅祀

神來翩側聞江漢頻奏捷願沛大澤如流川坐看三輔湖
南暨萬里盈尺瓊瑤田爭挽鉏犁洗兵甲司農不復憂貨
泉衰朽豚蹄有奢祝雪窗欲誦卿雲篇

喜聞黃州克復卽賀雷少泉

十二月十一日

江漢重城一日收前軍又報下黃州楚材杞梓歸開府

武昌

黃州兩郡皆中丞胡公南岸一鄂渚旌旗據上游雪夜檢

軍克復李觀察揚總戎功最渠城四關樓船破虜水東流

李以陸軍攻入郡城分明結

伴還鄉路吟望無煩杜老愁

楊以水師截斷賊路

觀齋歌

宋搨摹勒

淳化軒軒以帖名溯其元成邸有齋日詒晉至今陸帖傳

宗藩

避暑山莊舊藏本

南齋拜賜珍璵璠

乾隆間重刻淳化閣帖置淳化軒

蓋熱河行宮陳設也湘林手撫士衡筆寄我鐫石江陰園

陸平原

眞蹟成耶

賜本陸湘林都統曾自

盛

覃谿老人信好

涼摹寄江南

因爲上石留置學使西園

古大觀殘本題萬言二十七帖一千字

凡十一葉九百七十三字除題目

冊首題云大觀帖第六卷榷場殘本

年九月十三行北平翁方綱鑒藏

字字龍虎神騰掀山陰

筆札具于是晉觀作堂成例

援晉谿名其堂曰晉觀作歌紀之

嗟余何幸

獲此本甲子一周如逢原

道光壬寅歲得此木適與翁題年歲相同

臨川李氏

寶全帙見此四坐驚且暄

春湖先生家藏大觀舊搨全本較此遠遜

草書忽忽

苦未暇軍書旁午趨樞垣

時海疆夷務方殷

緘藏篋笥十餘載退

食偶展芸窗暄遂以觀齋自題署如壁上觀旌旗翻心摹

手追都不到雲煙過眼經幾番名雖襲翁實自媿但愛野

鶩窺籠樊槐街老屋臥三載閉門聲不聞輪轅猶有墨客

闖其牖一榻未許懸陳蕃開緘細字珠錯落怪翁何事不

憚煩初觀色動疑嘗龜熟視知味真熊蹯人間蠶與臺
耳棗梨銀鋌空衝冕平生驕筆好馳騁臂痛無力勝棗鞞
自從

石渠見快雪

右軍快雪時晴墨蹟咸豐初元會蒙賜觀并命賦詩

俗書一掃枝葉

繁抱殘守缺廬有此摩抄晉解思周廟祇愁眼花墮雲霧
神骨不辨驅騶驪觀空觀色總如是真相何者爲泥洹翁
今仙去我衰病池水餘墨流潺湲小齋那須鐵門限詩成
目送飛鴻鷺

老屋詩十章

古馬首邑平舒之邨中有環堵老屋斯存惟茲老屋蓬戶
葦門垂二百年貽厥子孫

惟我祁氏中尉之裔肇遷自楊洪洞古楊侯國于壽之汭北鄉有
廬支分派繫爰逮我躬十有六世

惟我始祖力田于鄉十世而後迺登于庠于國令聞
令望家風儉素曰篤不忘

惟我高祖務茲稼穡匪績弗衣匪藝弗食瞻彼岑樓南北
翼翼獨守做廬運甃是力

惟茲老屋翳彼樓陰三楹勉築匪丈匪尋東西偏仄步武
弗任歷年滋久風雨漸侵

我祖我父困于薄宦載塗載暨守弗敢慢及我老病歲不
遑晏堂構岌岌弗旨是患

惟茲老屋後有隙地母氏遺命載謀移寘兄老弟喪我生

如寄卽今弗圖前基斯棄

何以圖之曰毋改作前基勿毀後趾有託罅漏匪昔棖楬
如昨徹彼兩廂西楹稍廓

南樓之下亦可結茅三間十步可困可庖容思故鄉燕睇
舊巢曰苟完矣聊以解嘲

我生之初斯屋已老我生之後勞人草草豈無爽塏它人
是保告爾子孫永念祖考

贈閻夢巖戶部

汝弼

二十韻

廣廈構衆材通經乃致用義理與訓詁二者實兼重吾鄉
風俗淳耕稼勤諷誦經師遞授受學不泥漢宋爾來綴學
士購書資博綜金石探古文苗畝得嘉種先生更傑出儒

冠聳衡纒頻年就敝廬講畫及羣從

家兄延君訓課姪孫輩

頤解蒼

容難蒙求發童癡插架阮氏書

阮文達彙棗經解千四百卷

君皆研究國朝諸家

劉覽朝夕供直與古人稽不爲疑義訟偶出詩緒餘

近著毛詩

緒餘十卷

已該風雅頌名物雜羅列一一疏其壅傳箋有異同

衆說苦霧零沿波必討原江河別沱灘

雲灘二字用廣韻

我如食

字蠹尙耗芸香俸周南老留滯廢學心滋恐鄭鄉舊接鄰

戴席今猶共

君今年通籍仍寓宣南敝廬

司徒掌邦教六典羣義統豈

惟科第擢會見風雲縱

我烏曲

我烏亦自啼啼時方夜半爾烏亦自啼啼時夜嚮旦爾夜何短我何長爾烏謂我烏啼忙夜長夜短奈何許我夢自

醒鳥自語

曹柳谿內弟寄詩賀食俸次謝

補過頻年凜退思衰庸自歎力難支何期坐飽芸香俸更
許來歌鳳翽詩

帝典初成衢叟舞

天恩已被路人知瓊瑤投贈傳新句家食雖占媿朵頤

柳谿分俸見貽再次謝之

遠道雙魚每見思蒼書右臂尙堪支漉巾陶令分佳釀饋
歲坡翁續舊詩案牘漸稀年已近

時屆封印

瓶花欲凍客先知

太倉雀鼠成虛耗說與君聽一解頤

寒夜早起懷陶鳧香前輩仍疊前韵二首

虛明夜景我頻諳
水浸空庭月印潭
破夢不煩雞卵旦
衝寒時有鵲飛南
似聞市價臨年踊
漸覺更籌送臘酣
卻向停雲思舊雨
閑居運甕定能堪

先生時請病假

臣心如水

帝心諳一片冰
徹鏡潭

宣室召方虛席左
老人星已朗弧南
趨風待漏情尤切
臥雪扃門睡甕酣
早晚玉珂吟款段
據鞍應比少游堪

勤學齋消寒三集題黃勤敏公詩卷卽呈張詩舫少

宰

勤敏師題張詩舫家藏文敏怡園看花詩卷
澄懷園海棠花下歌兩詩皆道光癸未作也

怡園看花後九十一清明壹齋題句後歲又三紀更當時
手植花已有感舊情

海棠歌有一再移根廿年次之句

天風吹客聚幾日

東閣南齋皆後生

時詩船以中書舍人直樞垣余與田季高直南齋并有和作後生彈

指今白首一幅珠璣落吾手紅絲玉版字淋漓猶記詩成

開笑口大江東去青山孤竹裏梅邊臺在否師家園驢背

葫蘆載酒人招吟望斷于湖柳詩船曾爲煙雨招吟圖中

山佛閣雪浪盆素壁新詩重細論壁間詩船二詩懸韓門

舊雨惟張籍三十年前共酒尊

歲莫望雪 十二月二十四日

自從破臘到如今三九晴明一日陰枯坐不須花解語頃

送唐花者殘年惟有雪關心錫槃送竈非求媚黍酒思鄉且伴

吟遙憶團圓馬頭月芹泉鞭影過寒林夢巖心園諸君歲尾可抵家

詩船少宰和題黃勤敏師詩卷次韻奉荅詩船自注先文敏公

書怡園看花詩卷序云宋熙甯壬子清明東坡先生
看花吉祥寺三百一年爲明洪武壬子楊孟載有清
明日詩胎後之君子雍正十年壬子清明又三百一
年好事者王生藻集諸名士於故相王文靖公怡園
賦詩今相國詩云怡園看花後九十一清明壹
齋題句後歲又三紀更則又增一段佳話矣

看花兩壬子自宋迄有明蘇楊遞題句光景如傳更怡園

詩似吉祥寺六百餘年花有情豈知高會再周甲名園花

木歸先生

君今宣南所居亦名怡園

先生平生詩萬首碧海鯨魚一掣

手食筍齋前落筆時驚人句出羣箱口當時同筵贖三叟

溟生司空暨余兩人

君詩益壯叩則否卽今都下數耆舊杜陵古柏

石燕陶潛柳

鼻香少宗伯

莫笑年華催糲盆唐堂壺室好同論

勤敏題此卷有棖觸同宗同歲人我亦今年七十四請君
之句蓋唐堂題時與師年正同今君年亦逾七十矣請君

更寫怡園卷添箇梅花餞歲尊

對花思雪

一叢深色中人賦饋歲筵中任爾開爛漫春光已如許雪
花何處得飛來

王少鶴得舊搨寶賢堂帖王大令書殘本屬題

晉藩石搨舊堪珍
瓊蠟於今漸失真
十二葉從何處得
背裝紙墨尙精神

龜硯分明墨瀋留

余曾見寶賢堂硯於張石州案頭

標題休認太清樓

窗細檢蘇齋本燕瘦環肥孰最優

世間廣搨多以寶賢充大觀以草溪舊搨較之

殊易辨耳

除夕詠懷簡少泉孝廉研鄰舍人

自我宣南居已過三除夕桃符雖退歸此日亦可惜滿坐

鐙燭光杯行手不釋但覺歲崢嶸不知孰主客二客前致

詞辭家來射策春秋鴻雁遣感此泥爪迹尙憐支離叟鬢

髮無可白飲我月團茶

少泉惠嘉茗

使我風生腋餉我馬膾花

研鄰贈唐花

照我雙頰赤新詩互訓荅壯氣紆鬱積我老亦客

耳如奔駒過隙再拜斟屠蘇爲客歌金石楚氛蕩滌盡雲

夢涵春澤行慰倚閭望冷官且煖席

少泉

鳳池亦清班郎

曹接履烏斑瀾游子衣照耀海山碧

研鄰

一歌銷客愁再

歌客心懌酒酣歌正長醉舞豚蹄隻願祝兵甲休願見雪

盈尺詩窮不須祭如願當有獲歌成客大笑竹爆春聲擲

二十年前喬見齋同年爲予檢稷山蠢子數有急流

勇退之語除夜鐙下偶憶錢若水事拈筆解嘲

不是急流勇退偶因老病休官縱使鑪灰畫盡神仙做得
還難

神仙心無富貴富貴貌似神仙多事希夷老子相人猶落
言詮